



UNIVERSITÄTS-
BIBLIOTHEK
PADERBORN

Vita Et Doctrina Jesu Christi

Avancini, Niccolò

Coloniae Agrippinae, 1689

Hebdomada IX. Post Pentecost.

[urn:nbn:de:hbz:466:1-59970](https://nbn-resolving.org/urn:nbn:de:hbz:466:1-59970)

DOMIN. IX POST PENTEC.

Sanatur manus arida.

1. **E**cce homo manum habens aridam: & interrogabant eum: Si licet Sabbatho curare? Matth. 12. ut, si affirmaret; accusarent eum apud Principes; si negaret, misericordem apud plebem proclamarent. Utrinque imminebat periculum: ut errorem tamen confutet, eligit Sabbatho curare. Quid tu faceres pro veritate, ubi provideres aliquid te passurum? Ne timeas à facie hominum. Age, quod æquum, & justum est discreti zelo: & sine cœlum ruere. In manu verò *dextera arida*, considera arida tua opera virtutis. Exarescat tibi sinistra, & vivat dextera.

2. *Et ait homini habenti manum aridam, Surge in medium.* Marc. 3. ut miseria visa moveat affectum se opponentium. *Et ait eis: Licet Sabbathis benefacere an male? id est, an omittere beneficium.* Christo ergò idem est, non benefacere indigenti, cum potes, ac eide m nocere. Examina. quo affectu demandata charitatis opera suscipias. Fortè & tu ibi curris, ubi extrahenda est ovis è fovea, ubi proprium aliquid commodam affulget: & langues, ubi proximo est succurrendum.

3. *Et contristatus est super cecitate cordis eorum. Ibid. Quod nec eum Messiam agnoscerent, nec doctrinam de juvādo proximo etiam in Sabbatho probarent. At quanto major est cœcitas tua, quam nebulæ passionum inducunt ! Ah noli contristare Christum Domini. Et dicit homini: Extende manum tuam. & extendit, & restituta est.* Tibi dici puta: Extende manum ad opera virtutis. Quid juvat proponere, aut desiderare, si nunquam ad opus progrediaris. *Exeuntes autem consilium faciebant, quomodo eum perderent.* Unde meliores fieri debebant, inde pejores effecti sunt. Hæc & tu reddis Deo, quoties beneficiis ad malum abuteris.

F E R I A II.

Eliguntur duodecim Apostoli.

1. **F** Actum est autem in illis diebus, exiit in montem orare. Luc 6. Cogitabant Judæi quomodo eum perderent; Christus quomodo eos salvaret per Apostolos, ut instrumenta. Quantum distant consilia Dei à consiliis hominum. 2. Subducit se, ut cedat eorundem iræ, & docet, incendio non suggerendum pabulum. 3. Docet interpolanda contemplatione opera vitæ activæ, ut colligatur

gatur spiritus ad majora. 4. Docet, ut recte
ores, secedendum a strepitu tam externo
negotiorum, quam interno passionum.

2. *Et erat pernoctans in oratione Dei.* Ib.
Totam noctem orat, antequam Apostolos
deligat; ut doceat, quæ in negotio salutis
sunt statuenda, esse cum Deo conferenda:
id que non obiter, sed aliquanti temporis
deliberatione. Humana prudentia deficit ad
ea, quæ sunt Dei. Errasti sæpè cum Deum
non consuluisti.

2. *Et cum dies factus esset, vocavit disci-
pulos suos, & elegit duodecim ex ipsis, quos
Apostolos nominavit.* Ibid Et te vocavit
Deus ad Apostolicam vitam, & gratis. Quæ-
ta vocationis dignitas? quanta tua indigni-
tas? Ne præsume de vocationis gratia, si eam
non firmes operibus: etiam Iudas fuit inter
illos, & tunc temporis te sanctior; & tamen
defecit. Quod & tibi evenire potest, sapien-
ter cave.

F E R I A III.

Sermo Christi in monte habitus.

1. **E**T cum sedisset accesserunt ad eum Di-
scipuli ejus: & aperiens os suum docebat
eos. *Matt. 5.* Ubi sedet ad docendum Magister.
acce-

accedunt Discipuli, & audiunt doctrinam. Insidet Deus Magister cordi tuo, aperit os suum per inspirationes: accede, si vis esse discipulus; & ubi *vocem ejus audieris, noli obdurare cor tuum.* Æstima doctrinam, quã tantus Magister tradit. Statue te illi conformare potius, quàm doctrinæ mundi & carnis. *Beatos* pronuntiat eos, quos mundus & caro miseros. Deus non fallitur, ergò mundus. Intelligis hoc? & tamen hujus principia sequeris?

2. *Beati pauperes spiritu.* Ibid. qui amore Dei abrenuntiant caducis omnibus; & animo eorum cupiditatem evellunt, ut nudi nudum Jesum sequantur. Expende quam terrena fastidias, æstimes, spernas, ut iis adhæreas. Quid de iis tibi statuendum sit, ex Christi exemplo disce. At quomodo eum imitaris? *Quoniam ipsorum est regnum cælorum* Est convincens beatitudinis probatio: Qui habet regnum cælorum, beatus est: quis neget? *pauperum est regnum cælorum:* Veritas æterna hoc dixit: ergò beati sunt pauperes, non quidem possessione illius regni, sed jure ad illud. Quanta bona lucraris, si caduca penitus animo extirpas? 2. Beati sunt beatitudine hujus vitæ, quia nihil desiderant. 3. *possident regnum Dei* de quo Paulus: *intra vos est: quia possident animam suam.*

3. *Va vobis divitibus, quia habetis consolationem vestram.* Luc. 6. De iis est sermo, qui affectu immoderato ad caduca feruntur. Ut pauperibus certitudo cœli promittitur, ita his vœ æternum intonat. Cor enim eorum ligatum est, ut non valeant ad Deum illud constanter, & integrè erigere. Nam, *incidunt in tentationes, & laqueos Diaboli.* Tim. 6. *Habent consolationem non Dei, non solidam, sed suam & apparentem.* Non es in horum numero? Gratulare tibi, Deo gratias age: & cura ut animum magis, ac magis à caducis abstrahas, ut sit unicus thesaurus tuus is, qui est omnia.

F E R I A IV.

Secunda, ac tertia Beatitudo.

1. **B**Eati mites. Matth 5 non tantum qui cohibent turbulentos, & vel minimos iracundiæ motus, sed etiam, ut ait Clem. Alex. l 2. Strom. *qui infidiam, quæ est in anima, pugnam sedant ira, & cupiditatis & eorum, quæ sub ipsas cadunt.* Hic tibi de te cogitandi tam latus est campus, quam latè se explicat irascibilis, & concupiscibilis appetitus. Confer te cum exemplo Christi in tractandis peccatoribus, in ferendis injuriis, &c. Cogita tibi ab eo dici: *Discite à me, quia mitis sum.* Matt. 11.

2. *Quoniam ipsi possidebunt terram* Ibid.

Quam olim terram viventium: nunc autem terram sui cordis. Hanc non possident iracundi, quia æstu quasi extra se rapiuntur: at qui acquiescit increpationibus, possessor est cordis Prov. 15. Id est, qui non irascitur, non commovetur. Quanta hæc est felicitas, hac interna pace & tranquillitate frui! *Sicut miserabilis est civitas, qua licet benè sit munita, intus tamen fovet proditores:* ait Chrysostr. hom. 34. in Ioan. *ita nihil beatius, quàm in testino li. erari bello.* Hanc beatitudinem ipse tibi dare potes: & quid vetat?

3 *Beati qui lugent.* Ibid. ex compunctio-
ne tua; ex compassione aliena peccata; ex
devotione miseras hujus vitæ exulantis à
patria; ex desiderio vitæ æternæ dilationem.
Vide quid tu lugeas, an Deum perditum an
carnis commoda? an mala corporis, an ani-
mæ? *Quoniam ipsi consolabuntur* A quo?
à Deo totius consolationis. Ubi? non tantùm
in cœlo, ubi *absterget Deus omnem lachry-*
mam. led etiam in hac vita, ubi luctum com-
punctio-
nis & devotionis vel comitatur, vel
sequitur incomparabilis consolatio At *ve-*
vobis, qui ridetis cum mundo, & ducitis
in bonis dies vestros, quia in æter-
num lugebitis & flebitis.

Luca 6.

X

FE.

Quarta & quinta Beatitudo.

1. **B**Eati qui esuriunt & sitiunt Matth. 5.
 Ardente desiderio iustitiam, seu omnem
 Deo serviendi & placendi rationem, qui de-
 siderio quodam ardente feruntur in actus
 virtutum, non tantum eos, qui aliquid ho-
 noris habent adjunctum, sed etiam qui vi-
 dentur abjecti, & viles, vel difficites, & ar-
 dui. O quantum ab hoc ardore deficiis! sitis,
 sed cisternas dissipatas mundi, que continere
 non valent aquas salutis. Jer. . Quam facile
 tibi desipit virtus, cuius exercitium est ama-
 rum. Visne servire & placere Deo? In hoc
 consistit salus tua aeterna. Excita ergo hanc
 sitim, sine qua languet omnis virtus.

2 Quoniam ipsi saturabuntur. Ib. Olim
 cum apparuerit gloria Dei Psal. 16. In hac
 vero vita, quia nihil ultra desiderabunt. Per
 ipsum enim desiderium habent, quod des-
 derant, quia sic Deo servant & placent.
 Item semper habent, unde saturantur, quia
 semper habent, ubi iustitiam operentur, ubi
 Deo servant: sive manducant, sive bibant,
 sive aliud quid faciant. • Cor. 10. Nonne
 hoc ita vis? nonne saltem velle concupiscis?
 O utinam à primo momento vitæ! Deus det
 nobis cor omnibus, ut colamus eum, & facia-

mus ejus voluntatem. corde magno, & animo volente 2. Machab. 1.

3. *Beati misericordis* Ibid. tum corporali, tum spiritali misericordia, intentione pura, motivo virtutis, affectu amplo, etiam ad minimos se extendente. *Quoniam pro misericordiam consequentur*: olim quidem, quando te coronabit in misericordia Psal. 10. in hac vita verò per remissionem peccatorum, & abundantiam gratiarum. Quid diceres, si ante horam ivisses ad æterna supplicia, hac evocareris ad vitam, vestirens gratia, ducereris ad cœlum? Nonne magna esset misericordia? Hanc Deus toties exhibuit tibi, quoties peccata remisit. Vide ergò, unde hanc misericordiam tibi certam facere possis.

F E R I A V I.

Sexta & septima Beatitudo.

B*Eati mundo corde.* Matth. 5. ii dicuntur, qui tametsi suas habeant imperfectiones, procul tamen sunt ab omni gravi peccato, ac proinde vestiti gratia, qui ipsos affectus habent purgatos, & à creaturarum amore avullos, & ad Deū conversos; qui minimas etiã imperfectiones quanto possunt studio devitant, & toti Deo adhærere conantur. Inspice in hoc puncto statum ani-

mæ tuæ: quam es à creaturis avulsus? quàm Deo unitus? quo studio declinas imperfectiones! &c.

2 *Quoniam ipsi Deum videbunt: Ibid.* olim quidem *facie ad faciem*, nunc autem *per speculum in enigmate*, sive in creaturis. Videbunt illum memoriâ præsentia ipsius. hinc delectatio etiam in adversitatibus: *Memor fui Dei, & delectatus sum* Videbunt eum contemplatione, & cognitione sublimium veritatum, & videndo amabunt, & amando inhærebunt. Maxima hæc beatitudo hujus vitæ: sed quemadmodum ad claritatem Dei visionem nihil coinquinatum pervenit, ita neq. ad istam pertingit anima immunda. Ut illam obtineas, velles in agone Angelo purior inveniri. Sic ergo quotidie vive, & mundus esto, quia fortè hic dies est ultimus.

3 *Beati pacifici. Ibid.* Qui carnem spiritui, passiones rationi subjecerunt; qui cum proximo in pace vivunt, & charitate: qui alios componunt ad pacem & reconciliant. Quære hæc in teipso. Si invenis, Deum lauda: *siminus*, ab hodie illa cura tanto studio, quanto cupis esse filius Dei. Nam isti *vocantur filii Dei*: qui est Deus totus spiritus sine carne, totus ratio sine passione, Deus pacis & non dissensionis, quo magis ad hanc similitudinem te credis accedere, tanto certius habes te esse filium Dei. **SAR**

S A B B A T H O.

Octava Beatitudo.

B *Beati qui persecutionem patiuntur propter justitiam. Matt. 5. non autem propter sua delicta. Cerrum est, quod omnes, qui volunt pie vivere in Christo Jesu, persecutionem patientur. 2. Tim. . Ergo si non vis recedere à justitia, debes paratus esse mori magis, quam patrias Dei leges pravaricari. 2. Mach. 7. Sed quis tibi tunc animus, tunc vel sustinendum aliquid, vel virtus aliqua, aut regula est violanda? Prætendis te Jesum sequi, & hunc Crucifixum, sed clavos non vis tolerare: ne quid patiaris, & virtutem, & regulam deseris. Aut fatere te non imitari Jesum, aut patere.*

2. Quoniam ipsorum est regnum cælorum. Ibid tam consummatum in patria, quam inchoatum in via: quod est iustitia, pax & gaudium in Spiritu sancto. Rom 14. Nam justitiam non potest perdere, qui mavult mala quæque tolerare, quam vel unam regulam violare. Compara tibi hoc regnum, in quo est certitudo futuri. Nihil horum timeat, quæ passurus es. Apoc 2. à mundo contradicente, à dæmone affligente, à carne adversus spiritum concupiscente.

3. Beati estis, cum malè dixerint vobis homines,

X 3

mines,

mines, & dixerint omne malum adversus vos, mentientes propter me. Ibid. Quis neget beatum, cui Deus benedicit? Nam benedictio Domini divites facit, nec sociabitur ei afflictio. Prov. 10. At Deus benedicit iis, quibus propter justitiam mundus maledicit. Benedictio Domini super caput iusti. Prov. 10. Maledicent illi, & tu benedices Malach. 2. Et tamen nonne amas laudes & benedictiones hominum? Ergo eligis vituperaria Deo? an ignoras illud: *Va cum benedixerint vobis homines?* Luc. 6.

DOMIN. X. POST PENTEC.

De triplici qualitate virorum apostolicorum.

1. **V**os estis sal terra. Matth. 5. Natura salis, ait Plin. l. 3. c. 7. est mordens, adurens, repurgans, attenuans & siccatans. Debet ergo homo apostolicæ professionis quoad se esse in via purgativa perfectus, & alios prius per hanc viam ducere, quam per illuminativam & unitivam. Quid dicitis de tempore quantum in hac via profecisti? nonne plus superest?

2. *Vos estis lux mundi* Ibid. Secundus gradus viæ apostolicæ nomine *lucis* exprimitur, & intelligitur via illuminativa, in qua per-